

1

[1653]

STICH¹ VON BEAT II. ZURLAUBEN

*s. Zurlaubiana AH 75/1*1) *Das uns hier mit AH 132/1 vorliegende Exemplar ist beschädigt.*

AH 132, 1^r (aufgeklebt)

2

1689

STICH VON BEAT JAKOB I. ZURLAUBEN

s. Zurlaubiana AH 50/1

AH 132, 1^v (aufgeklebt)

3

1609 März 30.

A

ERKANNTNIS "DER RÄTHENN UNND BURGERN DER STATT ZUG ... ÜBER
 DEN ... [IN ZUSAMMENHANG MIT DEM LIBELLHANDEL GEHALTENEN]
 FÜRTRAG DER HERREN EHRENN GESANNDTENN¹ DER VIER LÖBLI-
 CHENN WALDTSTETTENN"²

EA V 1, 912 (Nr. 685)

*"Sovil belangt denn Gütlichenn unnd Fründtlichenn Ussspruch³ denn
 5.ten Februarii Anno 1609 Jnn der Statt Lucernn Vonn gemeinenn Ca-
 tholischenn Orthenn erganngen. So ist vonn denn Rathenn Unnd Burge-
 renn die damals sammptlichenn mit grösserem Gwalt By Einnanderenn
 versampt Warenn Ein schriftlichenn Enndtschluss, Wyttlöuffig Unnd
 Vollkhomenn genn Lucernn die Ubrigen Orth dessenn Zuverstenndigen
 Überschickt Wordenn. Unnd diewyll uff Hüttigenn tag Vonn Wegenn Vil-
 ler Handt Unnglegennheit Unnd sonnderlich mann dessenn ganntz dhein
 bricht gehept. Ob die Herrenn gsandten, die bsamlung Gemeinner*

Burgerschaftt begerenn, nur ettliche Unnd sovill möglich wahr dartzu nit der mehrer theill der Bu[r]gerenn besampt. Hatt es Jnnen nit gebürenn wöllenn Jnn vorgehennden Unnd Letstenn So einn Heilige Enntschluss, Vill Zu Ennderen Sonders nochmallenn By dem selbigenn mit Volgennden Wortten Unnd wyttlöuffiger Erlütterunng Zuverblybenn.

Nämlichenn Unnd dess Erstenn. Alls Jnn dem Anndern Artickell Zu Enndt Vermeldet wirdt, da billich sollches zu Annfang selbigenn Artickells solte gesetzt synn.

Das Burgerliche Unnd solche sachenn belanngt, da dass Usser Ampt [bestehend aus den Gemeinden Aegeri, Menzingen und Baar] kheinn gmeinnsame nachtheill hatt. Sonnders der Statt Einntzig Alleinn Zugehörenndt, Lutt des Lybels [von 1604]⁴, da soll unnd mag der Statt Rath dieselbenn für sich selb alleinn, onne Bywesenn Unnd unverhinderet, des Ammanns [- 1609 war Ulrich **Trinkler**, von Menzingen, Ammann von Stadt und Amt Zug -] verrichtenn.

Was aber Hergegenn für sachenn fürfallenndt, kleinn oder gross darinn dz usser Ampt gmeinnsame unnd Theyll hatt, auch Lutt Lybells. Daselb vonn dem Statt Rath one Bywesenn Einnes Amanns nützit Verriicht noch Verhanddlet, Sonnders Allwegenn, by solchenn sachenn Ein Ammann synn Ehrenn unnd bysitz habenn Unnd für gmein Statt und Ampt Rath Zuverrichtenn gebracht werdenn etc.

Dann Hiemitt zuwüssen, dz einn Burger Rath, So mann nembt denn Sampstag Rath Vonn dessenntwegenn das er gwönnlich ann einnem Sambstag Zu Acht oder 14 tagen umb gehalten wirdt. Nützit anders Zuverhanddlen noch Zuverrichtenn hatt. Dann was der Statt und Burgerschaftt Einntzig unnd Alleine Zuhört. Das Alles offennlich, Häll unnd klarr Am Tag unnd wytters weder Einnes Ammans noch keinner personen Ussleggung oder verstandts manngelbar, Sonnders Luth der Burgern Bevelch. Ouch darumb Wysenn der Brieffenn, Siglenn Alltenn Herkhommenn, Unnd gerechtigkeitten, auch selbstenn des Lybels schonn ussgsprochenn Unnd Zuverstohnn, Wem sy Zu Hörenn Gebenn worden sinnndt.

Alls Namblichenn Wehr da thuodt wider der Burgern gewalt, Jnn Jhrer Statt Unnd Eignenn Vogthyenn. Jtem wider Jhre selbstenn Eigne uffnemenn satzungenn Unnd Ordnungen Gebott Unnd verbott, Kleinn oder grossenn. Es sy Umb Wunn Weydt, Holtz unnd Veldt Fischenn Sewenn, Wasserenn Unnd Wildtbänn. Jtem Wegenn Jhrer gerechtigkeit, An Zinnsen Zehennden, Vällenn Ehrschätzenn, Unnd glässen, Auch ab unnd Jnnzügenn. So sy Jnn Jhrer Statt Unnd Burgrechten Unnd auch Eignenn Vogthyenn Hanndt. Jtem wass verfalt uff denn Jahr unnd wochenmerckten Unnd sonnstenn mit beschiss Unnd bethrug Jnn gwicht, Elen Unnd

Mass verfeltschung der Wahrenn Unnd Zöllenn Umb gelt und derglychen. Unnd Jnn denn Kauffhüsserenn, Metzgen Pfisteryenn [=Bäckereien], Unnd der Statt Einnigung. Jtem Unnd Jnn der Statt Eignenn Vogtyenn Ussethalb dem Mallefitz Unnd Frydrüchenn mitt Werckhenn, Alle Anndere Büessenn, Unnd Straffenn, Wie dann Jm Lybell usstrukkenlich begriffenn.

Derohalbenn Bedunnckt die Rätth Unnd gmeyne Burger ganntz Unn Von Nöttenn, das einn Ammann Jhren Sambstag Rath bywohnen, diewyll Jnnen schonn Clärlich Zuverstann wirdt, was mann daselbst Zuverhandlenn, darann sy das Usser Ampt kheinn Annsprach Bim wenigstenn nit Habenn noch suchenn Khönnndt. Unnd also dardurch Künfftige Disputationen Und alles Arguieren vermittenn Hinndann gsetzt Unnd Abgethonn sinndt.

Jm fahll unnd Aber Ye das Missverthruwenn so gross Unnd Jhre fründt dess usserenn Ampts der Statt Rätthen nit annderst thruwenn. Dann sy Hinnderrucks Jnnen sachenn die da gemeinn werenndt Verhandlen. So mögenndt die Herrenn der Ordten dem Einnen Unnd dem Annderen theill einn solche straff daruff setzenn, dass dem Jenigenn theill, so ann synner gemeynsame Übernommen Ein völligs Vernüegenn Unnd gnuogsamenn Abthrag bescheche.

Hieruff so thuennd nachmallenn Rath Unnd Burger der Statt Zug denn Hochehrendden Herrenn absandten alls auch beförderst Jhrenn Herrenn unnd Oberenn Jhren aller Liebstenn Unnd bestenn fründden Gethrüwen allten Eydtgnossen ... ganntz fründtlich Eydtgnosisch unnd Höchlich danncken. Deren nun so Lanng Jnn dissem Wehrennden Spann gethrüwer grosser Arbeytt, müehe unnd Anngewenndten Ehrnnsten. Sonnderlich das Jhrenn Ehrennde Personen sich umb so vill alhar Zukhomenn Erdemüetigett. Mitt erbietung solche gethrüwe sorg Unnd Eydtgnossische Liebe, Jnn Allenn Zutragennnden gelegennheitten. Mitt Lyb unnd Guott Zubeschuldenn. Unnd diewyll sy sechennt unnd spürenn mögennt, das Rätth Unnd Burger der Statt Zug sich Verners unnd wytters, Ohne Verlierung Unnd Abgannng Jhrer Fryheittenn Unnd gerechtikeittenn Jnn Anndern Weg nit erklerenn khönnenndt noch mögenndt. Darmit sy Vonn Jrenn nachkomenn nit beschuldiget. So Lanngt unnd ist auch Jhrer höchstes bittenn und begerenn. Sy die Herrenn absandten, Auch Jre Herrenn und Oberen wellenndt dissere Jre wollmeinnende Erklärung Zu unnguottem nit uffnemenn. Unnd diewyll Mennigklichen dardurch denn diss hanndells beschaffenheitt khunndt Zuerkhennen gebenn wirdt, das Rätth Unnd Burger gegenn Jhrer fründden dess usserenn ambts gnuog gethann. So wellenndt sy die Herrenn Gesandten, durch Jhr annsehen Unnd Autoritet alls Ouch Jnn ... [Namen] Unnd annstatt Jhrer Herrenn Und Oberenn By dennen Vonn dem Usseren Amt so vill vermögenn Unnd dass sy sich der Ruhw unnd billigkeitt unndergebenndt Unnd di-

serer erklerung ersettigenndt. Dann Rāth Unnd Burger der Statt Zug gemeinnklich nit Alleinn gesinnet sy Jre frünndt dess Usserenn Ambts By dem Jrenn Lassen Zuverblybenn sonnders auch daby Zeschützzenn Zeschirmen Unnd Zuhandhaben. Erfordet nun Hergegenn Alle billigkheitt, dass sy die Rāth Unnd Burger By denn Jhrenn Ouch Unngesumbt unnd Unngeihrt verblybenn Lassenndt. Sovill nun belangt, das vonn denn Herrenn Abgsanndtenn Jst gmeldet wordenn, das wovehr die vom Usseren Ambt kheinn güettigkheitt nitt annemmenn, Sonnders des Liebenn Rechtenn begerenn Wurdennt Jhre Herren Unnd Oberen denn begerenden theill Zum Rechten Verhelffenn Unnd darby Z'Schützzenn unnd schirmen. So Hanndt sich Rāth unnd Burger hieruff erkhenndt, das sy nachmallenn der getröstenn Hoffnung Jhrer der Herren Ehrenn gsanndten, Alls Auch Jhrer Herren und Oberenn Annsehenn Werde, Sovill bim usserenn Ambt Vermögenn, das kheinnes Vernerenn Rechtens bedörffe. Jhm fahl Unnd Aber Wider Verhoffenn nit Annderst gsynn. So Wöllennndt die Rāth Unnd Burger das Liebe Rächt Zewaltenn Lassen nit schüchenn Lutt Eydtnossischer Pündten Vor gmeinnen Orthenn Unnd dass nit alleinn Vonn disser stryttigenn Punctenn Wegenn, Sonnders darmitt Unnd sy Enndtlichenn Zu Ruwenn gebracht. Ein theyllung Unnd absündereung des Regimennts So woll alls annderen Orthenn der Eydtnoschafft geholfenn Werdenn gethroffenn werde. Und das Jnn kheinn wyss noch weg das Einiches Missthruwenn gegenn Einnem oder dem annderen Orth Verhanden, Sonnders alleinn, dz doch sy die Orth so bisshar Jnn disser Unnd Annderer Vorgehennder stryttigkeitt gehanndlett Unnd die Parthyenn Selbstenn Zu ganntzen Ruwenn gebracht werdennd. Das alles wöllennndt die Herrenn Gesanndten Alls Ouch Jre Herrenn Unnd Oberenn Jm bestenn uffnemen Unnd verstann. Es Hettennd auch Rāth Unnd Burger woll duldennd unnd Lydenn mögenn Es were die Erklärung Zu Erstenn Vonn der Clagennden Parthy Alls dem Usserenn Ammpt uffgenommen Wordenn, darmitt sy sich desto besser auch verhalten Khönnen. So ist der halbenn Jhre bitt Ann die Herrenn Gsanndtenn, wann sy selbige Erklärung Verstannden Wellennndt sy Jnnen die partitciperen[!] Unnd Mittheillenn. Darmit sy so es Von nöttenn die Rāth Unnd Burgerenn sich mitt Mehrerenn Unnd ganntzem Gwallt denn Jetzmallen möglich war künnden Zusamenn Thuonn. Und dann Jrenn Vernerenn Enntschluss solle selbigern Ohne Verzug Jhrenn gethrüwenn Lieben alltenn Eydtnossenn Mittburgerenn Unnd Wollverthruwtenn Brüederenn der Statt Lucernn Zu wüssen gethonn Werdenn etc."

1) Die Namen der Gesandten s. EA V 1, 912.

2)

- 3) s. ebenda 908 zu k sowie SSRQ Zug I 401 Nr. 617. Dieser Spruch wurde anlässlich der Tagsatzung der VIII kath. Orte - IX ausg. GL - sowie der Abtei Sankt Gallen vom 3. bis 6. Februar 1609 in Luzern - s. EA V 1, 906 (Nr. 681) - gefällt. Die Stadt Zug war dabei durch **Konrad III.** Zurlauben vertreten.
- 4) s. SSRQ Zug I 384 Nr. 612

AH 132, 2-6 - Blatt 5 und 6 leer

4

[1730 n. Dezember 16.]

A

"RÄCHNUNG WÄGEN DEM PÄBSTLICHEN RITTER CRÜTZ¹ VON BENEDICTO DEN 13TEN AO. 1730 DEN 30. JULY LAUTH ÜBERSENDTEN DIPLOMA DURCH HOCHMÖGENDTE PATRONEN ZUE GUNSTEN HR. LIEÜDTENAMBT ALLOISI JGNAZI WÄBER [=WEBER, VON SCHWYZ] ERHALTEN"

-
- "I.° Von dem [Ambassador von Parma beim Heiligen Stuhl] graff [Giovanni] **Porta** Jst aller Erst gedachter Ritterorden begehrt worden wie Sub No. 1 den 21. Jan[uar] 1730. Zue Sehen.
- N.° 2. Zue Sehen den 11ten. Feb[ruar] 1730: wass man für dass Patent Undt Ritter Creütz beghert, dass ist wie Hoch die Kosten.
- N.° 3.² Jtem Zue Sehen Under dem dato den 23. May 1730. dass Er Hr. Porta ... [10] frantzösische duplonen Entpfangen.
- N.° 4.³ Zue Sehen under dem 30ten ... [September] 1730. dass H.^r Lieüdttenamt [Weber] noch 2. spanische duplonen übersendt etc.
- N.° 5.⁴ Jtem Zue Sehen Under dem dato den 16. ... [Dezember] 1730. wie dass Hr. Porta dass Ritter Creütz übersandt. Lauth obgemelten Schreiben Kost dass Patent 25. Scudi Romani Undt dass Creütz ... [9] Scudi Romani Summa 34. Scudi etc.
- Folget was ich [Zurlauben] aussgeben an brieff
 Porten Undt Zum hin undt her namblichen ohngfar 6 gl.
 Jtem Lauth Handtschriefft an getruckten Zädel So
 Hr. Lüeuttenamt mir befohlen 5 gl.